



I. d. 5.
4228



4228

CIMELIA



I. d. 5.

4228

Thurzon

*Eckii Valentini: De antiquissima nominis
et familiae Thurzonum origine, et singulari.
D. Alexii Thurzonis — eminentia panegyris.*

Crae. per Hieron. Victorem. 1519.

PANEG. et VITAE

Poles. 4^o

M 1020.

4228

De antiquissima no- minis & familie Thurzonū ori-

gine, & singulari Præstâtissimi dñi Alexii Thurzo-
nis Camerarii Cremniceñ & liberi domini Ples-
nensis eminentia Panegyris, Valentino
Eckio autore.

In Eckii sui commendationem Carbo.

Non adeo omniparens natura exhausta uigore est,
Nec tam effœta suis uiribus usq; iacet.
Optima quin ualeat solers producere uatum
Ingenia, & Clario nec renuenda deo.
Si fidei cuiq; uidear non consona fatus,
Tempore tu nostro Lindauiane probas.

Lodouicus Bouillus Schaffhusanus Lectori

Thurzonum magnæ q̄ sint illustria stirpis
Principia, & tantæ quæ sit origo domus.
Quam uetus & scelix ac multa laude perennis,
Eckius hoc terſo carmine noster habet.



Cim. Qu. 4228.

AD GENEROSVM ET MAGNIFICVM
dominum Alexium Thurzonem prestantissimi vi-
ri domini Valentini Carbonis Grammatici Cas-
souiensis p Eckii sui cōmēdatione Carmen

Thurzo decus procerum, studiorū fautor, & alter
Mœcenas, patrii stemmatis una salus.
Qui nostra solus lapsam instaurare poësim,
Tempestate tui muneris esse putas.
Perlege deposita rugæ grauitate libellum,
Leta ubi tranquillis ocia rebus agas.
Quem nunc excudit musis operatus abunde,
Eckius ille tuæ buccina clara domus.
Hic tua nobili as, & auum generosa propago
Concinitur, titulis & domus aucta sacris.
Sed sine patrono q te properauit adire.
Præsidio tutum se putat esse tuo.

Generoso & magnifico Domino Alexio Thurzo/
ni Camerario Cremnicēsi &c. Rudolphus Agricola
Poeta & Orator a Cæsare laureatus, lector or-
dinarius Cracouiensis se commendat.

Magnam esse felicitatē mortalium Magnifice domine Alexi,
nec minorem laudē iure arbitror, si ut eorū virtus, quæ suapte
carere p̄mio nunq̄ debet, claraq; facinora apud posteros enite-
cant, nō defuerint q̄ patri ingenij mœnibus hæc ipsa illustrēt
nec intermori patiant. Hinc post miserandā Thebanorū direpi-
onē, quum Alexāder ille Macedo Troadē versus profectus, se-
pulchraq; Hercoum, Achillis, Aiæcis, aliorūue inferis, ceterisq;
honoribus veneratus esset. Fœlicē Ahillem dixit, q̄ suæ virtutis
illustrumq; factorum præconē Homerum habuerit, si quando
igitur æternis ignorantis tenebris omni voto expetenda rerum

noscedarum cognitio inculcetur, nisi fidelibus scriptorū lucu-
brationibus nullo unq̄ quo interituris commendetur. Dionysi-
us olim Siracusanus lateri eius adesse doctos voluit, vt admi-
ratione per illos, cōmendationeq; dignus fieret. Nōne fortuna
tum te generose Alexi merito dixerim? nōne nobilissimā illam
Thurzonum propaginē fœlicissimam esse censeā? quæ q̄ pluri-
mos habet clarissimos viros, atq; omni laudum genere orna-
tissimos, ex qua Reuerendissimi tres Antistites processerunt, q̄-
rum Stanislaus Olomurcenſis benignissimus Mœcenas littera-
rum, Ioānem Dubrauum virū doctissimum. Ioannes Vratilla
uiensis patronus meus fauentissimus Casparē Vrsinum meum
græcæ, latinæq; linguarum peritissimū, penes se fouet. Sigismū-
dus olim Varadiēsis Aldum illum Romanum suæ laudis buc-
cinatorem habere meruit, quid de te loquar & celeberrimis vi-
ris Georgio & Ioanne Thurzonibus, & uniuersa familia, quæ
multis iam temporibus per omnem Europam quasi sol quidē
illuxit. Habetq; Valentinum Eckium virū p̄celebrem, & de me-
lioribus litteris optime meritum, conterraneum meum, qui no-
stres atq; dies huius celebritati suæ det, quādo te sibi exoptatissi-
mum Mœcenasē fœliciter adeptus sit. Vtinam multos A-
lexios studiorum patronos nostra ætas sortita esset,
melius latinæ rei, literatiscq; consuleretur, p̄inde
apud te planū esset, velim, quam dari mihi
aliquam occasionem celebrandi nomi-
nis tui concupiscam, in cuius vir-
tutibus p̄mulgandis vigili-
as, industriā, laboresq;
omnes, studiosi cer-
tatim pone-
re debeāt. Interim
Valentini nostri, q̄ tuæ
dominationi offeruntur mo-
numenta, sereno vultu perlegas,
& tibi persuade multo illum meliora
ēditurum vbi aura tuæ benignitatis, vt iā
pridem cœpit, sibi adfulserit, & anni, otiūq; sup-
perent. Vale, & Agricolam tibi commendatum habe
Cracouię pridie nonas Octobris Anno salutis humanę
1519.

DE ANTIQVISSIMA NOMINIS ET
familiae Thurzonum origine, & singulari præstan-
tissimi dñi Alexii Thurzonis Camerarii Crem-
nicensis & liberi domini Plesnensis eminē-
tia Panegyrius, Valentino Eckio autore.

Saturnus
Iupiter.
Vulcanus.

Saturno genitore satus, translatus ad Idam,
Gnosiacas coluit Iupiter ipse domos.
Claudus & æthereo Vulcanus culmine iactus,
Stridula Lemniacis molliit æra iugis.
Mercurius, ~~Amycus~~ Junonis proles, Thracum Cyllenius aua
Intrat, & horrida concutit arma manu.
Scimus, & hæc ueterum prima in cunabula diuum
Vix est qui toto nesciat orbe puer.
Sed generose tuæ Thurzo quæ stirpis origo
Sit uideo multos addubitare senes.
Nec mirum, quia longeuis mortalia sacris
Languet, æternum durat in orbe nihil.
Hanc igitur dubio tollam de pectore nubem
Et referam generis quæ sit origo tui.
Huc modo paulisper mentem conuerte, tuiq;
Eckio modicum cerne clientis opus.
Narrabo humanis quæ dudum tarda uetustas
Mentibus amouit rusticitate sua.
Qua plerumq; solet nitidissima reddere furua,
Voluere Lethæos & bene nota lacus.
Nil est tam firmum, nil tam durabile, quod non
In nihilum tandem tempora longa ferant.
Sola putrescentis uirtus ignara ruinæ
Perpetuæ nomen nobilitatis habet.

Tempus om-
nia cōsumit.

Quo tuus ipse pater, tritauiq; & longa propago
Insignes rutilum cōmeruere polum.
Atq; coronantur Thurzonum nomine claro,
Quod tu diuina nunc quoq; stirpe trahis.
Nanq; es carulei generosa propago parentis,
Qui triplici tumidas cuspide frenat aquas.
Qui tenet Oceani imperium, qui cerula passim
Aequora regali sub grauitate premit.
Vnde tot eximii proci es, & tanta uiro-
rum Copia, quam nemo dinumerare ualet.
Maximus hinc Dorus Graii inflaurator honoris,
Hinc Amycus sub quo Bebrica sylua fuit.
Et rex Sardinie Phorcus, Polyphemus & ingens
Qui tot Trinacria ualle tenebat oues.
Telemus hinc uates, quem nulla fefellerat unq;
(E tot quot terræ machina claudit) auis.
Albion cum fratre simul, quibus æthere ab alto
Venit in Herculeam saxea turba manum.
Nanlithousq; Aon, Mesappus, uulnere & igne
Liber, quo uates Ennius ortus erat.
Busyris, Nictus, rapidis quoq; Pegasus alis,
Et Cygnus Danaum sax metuenta ducum.
Hinc Pelias, Neleus, Otho, Naupli⁹, atq; Pelasg⁹
Aegeus, cum Siculo, Sicanus, atq; Thara.
Et clari artifices Brontes, Steropesq; Pyragmon,
Conflantes summo tela trifurca Ioui.
Delphinus, Cethe, & Neptuni cætera proles,
Inter quam primum Thursio nomen habes.
Thursio carulei soboles clarissima regis,
Qua melior liquidum per mare nulla natat,

Thurzo
de originem

Neptunus.

Neptuni
pago.

Dorus.
Amycus.

Phorcus.
Polyphem⁹

Telemus.

Albion.
Borgion.
Nanlithous
Mesappus.
Ennius.
Busyris, Ni-
ctus, Pega-
sus, Cygnus
Pelias, Nele-
us, Otho
Nauplius
Aegeus Si-
culus, Sica-
nus, Thara,
Brontes, Ste-
ropes, Pyra-
gmon, De-
phinus, Ce-
the.
Thursio.

Vnde Thur
zoni nomen
Georgius
Thurzo.

Ihānes, The
ophilus, Ge
orgius Thur
zo.
Laus Ioan
nis Thur
zonis

Ab industri
a & solertia
laus.

Vnde per annos tritauios Georgius ipse
Thurzo tulit generis nomina clara sui.
Vir pietate Titus, Numa religione, sed armis
Pelides, miro Tullius eloquio.
Diuiciis pollens ceu Cresus siue Metellus,
Natorumq; potens nobilitate trium.
Inter quos solers magis, & uirtute coruscus,
Fulit Ioannes prima propago patris.
Vnica nobilium Gepidarum gloria, summus
Hunnorum splendor, totius orbis honor.
Quem uirtus, quem cana fides, industria solers,
Terrenis longe praeponere uiris.
Atq; (ut uera loquar priscum referentia morem)
Fecerunt merita religione deum.
Maiorem Bromio, maiorem Marte, fabroq;
Qui per Trinacrias contudit aera domos.
Ipse et nunc cecis generosa metalla sub artris
Monstrauit genti Pannonis ora tuæ.
Quando ex præduris argentea frustra latebris
Et fului claras eruit aris opes.
Discreuitq; aurum cupro, purumq; metallum
Fecit, quod fuerat lamina crassa prius.
Quæ tulit haud paucis res maxima commoda re
Dum toto merces miscuit orbe nouas. (gnis,
Fecit enim Huniacis præclara emporia regnis
Allophylis late concelebata uiris.
Ad quæ Germanus, Venetus, Gallusq; Polonus
Merce sua illustri sæpe uenire solet.
Atq; per alternos contractus commoda ut inq;
Venari, merces diuariando suas.

Vngarus unde capit magna incrementa colonus,
Diuiciis multum crescit & ipse suis.
Vsq; adeo nulla ut, quis ditissima, tellus
His tantis opibus se opposuisse queat.
Dum modo concordie maneat respublica nodo,
Deserat & mentes dira libido truces.
Cæca cupido ducum sibi subdita corpora truncat,
Imperiumq; suum præcipitare solet.
Verum quicquid id est diuini muneris, omne
Thurzoni debet Pannonis ora suo.
Vnde potest ipsum iure exornare perenni
Nomine, & æthereo connumerare choro.
Accedit simul hoc, quo maxima gloria surgit,
Et quod diuinæ nomina laudis habet.
Scilicet eximia sobolis numerosa propago,
Qua non quadrifido clarior orbe fuit.
Siue Metellinam numeres ab origine stirpem,
Vel cui præcellens Curio nomen erat.
Ipsa quidem sacris præcinctos tempora mitris
Pontifices coeli tollit ad astra duos.
Heroas magnas, mundi duo sydera, uirtus
In quorum diuo pectore tota sedet.
Præterea procures magno tres nomine claros,
Quartum immatura fata tulere nece.
Nobile quos omnes tollit super æthera nomen,
Famaq; per longos non moritura dies.
Te tamen in primis clarus uirtutis auitæ
Splendor ad Empyreum subleuat usq; polum.
Atq; in te patriam penitus uim colligit omnem.
Namq; tuos longe præradiaris auos.

Laus a sobo
le.

Ioānes Thur
zo epus Vra
tislauicis.
Stanislaus
Thurzo ep
Olomuncen

Georgius
Alexius
Ioannes

D. Alexij
Thur; laus.

Nil prodest quemq̃ præclaro stemmate natum,
 Ni decoret mentem fama paterna suam.
 Clariorum celsa genus ortum stirpe parentum
 Sanguinis ostendat quæ sit origo sui.
 Nec cygnus coruum gignit, nec dama leonem,
 Auritus concham nec lepus ipse pigram.
 Naturam sequitur natus plerumq; paternam,
 Nec proprio longe stipite mala cadunt.
 Tantum laudis habet nomen superare paternum,
 Quam uicii proavis degenerare suis.
 Multum quis sit quisq; stemmate cretus.
 Et careant donis pectora stulta suis.
 Hic tamen haud pluris reputatur Thestylis illi
 Quam si sit mater, Tityrus atq; pater.
 Nobilitas duplici completur munere uera,
 Virtute eximia, sanguine & egregio.
 Pro uoto postq̃ quisq; sortitur utrumq;
 Tum merita titulum nobilitatis habet.
 Turzo utrumq; tuum est, faulste decoraris utroq;
 Ast dubium quo nam clarior eniteas.
 Si genus aspicimus diuino es germine cretus,
 Neptunno æquoreo nobile stemma trahens.
 Sin mentem excutimus, miro splendore redundas,
 Quippe tua uirtus mente reposita iacet.
 Quæ te primæuis comitata fideliter armis,
 Hæret adhuc animo firma tenaxq; tuo.
 Incipiens uitam uiciis, adolescit eisdem
 Utq; puerescit, sic iuuenescit homo.
 Quod teneri imbibimus, sapi nus iuuenescq; senescq;
 Te uirtus puerum fouit, amatq; uirum.

Duplex no-
 bilitas.

Aeditus in lucem ut primum Iunone secunda es
 Turzoni magno stirps adamanda patri.
 Daphneam Driades tibi mox neuere corollam,
 Quam capiti imposuit Calliopea tuo.
 Continuo infantem Pallas suscepit alendum
 Prebens Aonii pocula grata lacus.
 Illa bibis cupidis labris noctuq; dieq;
 Difflectens Cyrrhæ per iuga celsa pedem.
 Dumq; uiam incautus properas tyrunculus altam
 Delibans artes sedulitate nouas.
 Accessere duo gressu properante puellæ
 Verbaq; disparibus proposuere modis.
 Prima gradu, sed sorde sua postrema, libido
 Hos applaudenti rettulit ore sonos.
 Huc puer, huc gressus insane reflecte tenellos,
 Tutius hac lato calle tenebis iter.
 Quam calcas dura & multo subiecta labori
 Est uia, deliciis & caret arcta suis.
 Huc ades, extra animi curas hic uiuitur, omnis
 Hic pulsus Stygio sudat in amne labor.
 Arripe præsentis blandissima præmia uitæ,
 Te reple illecebris blande puelle tuis.
 Vtere temporibus, nescis an crastina faustum
 Adducat cursum sorte uolante dies.
 Diuitias tantas tibi tantaq; pondera rerum
 Sufficiat uigilem concumulasse patrem.
 Tu fruiere hiis, quoniam nil, si non noueris uti
 Profunt, hæc tua sunt quæ bibis atq; uoras,
 Delitiis auidam mentem faciare memento.
 Ocia sint curæ uina, soporq; Venus.

Dux nym-
 phæ.

Voluptas ad
 D. Alexium

Virrus ad D
Alexium.

Te quibus hoc uixisse probes frugaliter æuū,
Post mortem aſtabunt, gaudia nulla tibi.
Haecenus hæc, contra progreſſa eſt aurea uirtus
Præcipiens omni tempore dura ſequi.
Fidere clare puer noli pereuntibus, inquit,
Ammiti aſ hæc ut non moritura, bonis.
Eſt incerta, breuis, fugitiua, caduca, uoluptas,
Et medio curſu precipitata ruit.
Dulcia fert ſecum bona, triſtia quæq; relinquit
Mel capit, aſt aloes pocula abitura refert.
Tu potius conſcende uiam qua ſemita callem
Sub dextram Samii ſurgit acuta ſenis.
Hoc uirtutis iter, durum licet & peramarum
Dulcia ſublimi uertice mella gerit.
Quod ſudore graui quondam Tyrinthius heros
Conſcendens, toto ſuſtulit orbe feras.
Teſtis Erix, Erimanthus aper, leo, thaurus & ori
Cuſtos, Stympthalides, aurea mala, draco.
Rex Pharius terræq; ſatus, corpusq; trimembre
Et Parichaliaco cornua merſa lacu.
Multaq; ſudanti paſſim trucidata labore
Monſtra, ob quæ rutili poſſidet alta poli.
Nulla carent duro ſublimia facta labore.
Nulla ignaua manus præmia ſancta capit.
Ergo ad præruptum deinceps conſcendere monte
Incipe Pegafeo blande puelle gradu.
Turpe ſit hanc teneram male coſumpſiſſe iuuentū
Stertendoq; citos præteriſſe dies.
Fac tibi ſint curæ uenientis tempora uitæ
Quæ nil q̄ luctus, mœſticiamq; ferunt.

Herculis fa-
bores.

Triſtius annosa nihil eſt ætate, dolores
Quæ fert innumeros, damnaq; mille fouet.
Grana cauernosis condēs formica latebris. Formica:
Exemplum magnæ ſedulitatis habet.
Ipoa monet uirtus teneris quærat in annis,
Eius ut auxilio tutus alumnus agat.
Nam uirtus lydo multo præſtantior ære
Viuit perpetuo non moritura die.
Quæ generet ſemper licet, impolluta uiſcit,
Atq; ſenectutis tempora nulla timet.
Ipoa ſed ignauo non eſt quærenda ſopore,
Nulla graui quoniam clara labore carent.
Viribus aſt totis opus eſt, niſuq; frequenti,
Sudanti multum proderit ipſe labor.
Qui licet imprimis uultu oppugnat amaro.
Attamen accincta uincitur ille manu.
Paruula namq; leuem faciunt præludia curſum
Ad grauiora, labor primus abhorret opus.
Sed poſtq̄ ſueto durant corpore uires.
Nil graue nil durum robur ad eſſe putat,
Quapropter duos tandem perferre labores
Incipe, dum tenero corpore membra rigent.
Sic creſcent uires membris creſcentibus ipſe,
Difficiliſq; tibi nec labor ullus erit.
Pubefcens uitulum, mox creſcens robore & annis,
Quo uoluit thaurum ſuſtulit ipſe Milo. Milo:
Ceruix aſſiduo quæ trita eſt pondere, notum
Sudoris gaudet ſæpe ſubire iugum.
Qualeſcunq; igitur, capias ut magna, labores
Imponas humeris belle puelle tuis.

Præsentis uitæ bona si contempseris, ampla
Præmia conspicias post tua fata sequi.

Languenti hoc quantum discedas corpore, tantū
Accedas animo, perpetuisq; bonis.

Hæc uirtus, subito illius tu captus amore
Peruigil aerium carpis alumnus iter.

Ingrederisq; uiam non quæ spaciola sinistro
Sed quæ sub dextro prominet arcta iugo.

Vnde uenus, torporq; nocens, & asocia mollis,
Longe habitant, nec non ocia, somnus iners.

Hic primo studiis animum committis, & artes
Imbibis accincta sedulitate nouas.

Nunc uatum libros, nunc libros historicorum
Lustras, nunc Sophiæ dogma perhenne grauis.

Omnia perquiris ueterum monumenta parentum,
Et nullum uacuum tempus abire sinis.

Moribus ingenuis, & claris artibus omnem
Exornas mentem strennuitate tuam.

Similitudo. Non aliter sapidi q̄ mellis sedula nutrix,
Vere nouo tacitum quum subit ipsa nemus.

Singula purpurei deprædans germina floris,
Nunc has nunc illas aduolat ore dapes.

Dum liquido castas succo compleuerit alas
Quo posset dulcem parca replere domum.

Sic tu diuersis studiorum floribus omnem
Accumulas mentem nocte dieq; tuam.

Nec quicq̄ sancto pateris sub corde prophanum,
Crescere, flagiciis nec locus ullus adest.

Inclyta sed clare uirtutis semina iactas
Vnde suos fructus nunc tua dextra metit.

Arua tepescenti sua plantans uere colonus,

Quas brumali epulas tempore carpat, habet.

Sic puer in primis uirtus cui queritur annis

Quos relegat fructus, uita futura, tenet.

O Thurzo felix, o terq; quaterq; beate

Qui tam multiplici nobilitate micas.

Quippe in te uirtus, solertia, gloria fama,

Tam præcellenti iuncta nitore latent.

Vt dubitem quo nam possim describere uersu

Ordine & ignorem quo recitare queam.

Si fortem aggredior mentem, subit illico parcus

Gustus, mox placido qui fluit ore lepor.

Hinc mansuetudo, post magnificentia, uerum,

Ascrea, & largæ dulcis alumna manus.

Deinde amor, & cunctis seruata modestia rebus,

Et quæ magnanimæ nomina mentis habet.

Equibus eximiis uirtutibus auguror ipse

Quæ sit decrepiti uita futura senis.

Ipse tuos primo tritauios iam flore iuuentæ,

Es prætergressus nobilitate tua.

Quanta parabis adhuc dum perges tramite cæpto

Murrânos certe Thurzo præbis auos.

Aegyptiq; patres, Ptolomeos, Arsacidasq;

Albanos linques post tua terga duces.

O mundi procures, uestram componite uitam,

Huius ad exemplum, quam terit, ite uiam.

Turpe sit ignauo uitam traducere somno,

Atq; inter Cyprias sic iacuisse dapes.

Non ueri procures, statuas, non corpora uiua,

Trunci, non homines, effera, bruta, feræ.

Fortitudo.
Temperantia.
Comitas.
Mansuetudo.
Magnificen-
tia. Veritas.
Iusticia. Libe-
ralitas. Ami-
cicia. Mode-
stia. Magna-
nimitas.

Ad huius re-
pestatis pro-
ceres.

A uobis habitant procul omnia scedera iuris,
 A uobis pulsum fas procul omne iacet.
 Vis scelerata premit, dii pœnas sumite, leges
 Sumite dii pœnas ingemit omnis homo.
 Aeger, inops, uidua, pupilli, uir, mulierq;
 Lugent indigno colla repressa iugo.
 Quod nocturna manus miseri, quod dextra diurna
 Congerit, ingluies uestra nephanda uorat.
 Sumite proch tandem lucem rationis & æqui
 Nec finite hiis furis pectora uestra premi.
 Ante oculos uestros, uirtutum regula Thurzo
 Versetur, tali uita petenda duce.
 Quo nemo melius uitæ moderamina seruat,
 Quo nemo maior religione micat.
 Qui solus uirtute sua est, quod tempore prisco
 Fabricii, Curii, tumq; Catho uterq; fuit.
 Vos igitur diui uates, quibus integer haustus
 Contigit Aoniis suppedatus aquis.
 Hunc tantum nostri studii cōmūnis & artis
 Fautorem, uestris concelebrate modis.
 Diuitis ingenii uobis mellita facultas
 Est data, grandiloquis & resonare tubis.
 Nostra nimis gracilis sub tantis musula rebus
 Deficit, atq; illo pondere pressa gemit.
 Quippe illos tenui uersus modulamur auena,
 Et uix hoc modicum promimus ore melos.
 Attamen hos fragiles dum spiritus incolar artus,
 Et calor in membris palpitet ipse suis.
 Thurzonis laudes uersu quocunq; tonabo,
 Et referam meritis carmina digna suis.

Singularis
 laus domini
 Alexij Thur
 zonis.

8
 Audiat hoc Phebo tellus sub utraq; reposta,
 Audiat & tectis axis uterq; suis.
 Nunc satis est, subitis hæc qualiacunq; camenis
 Dictasse, & uotum persoluisse rude.
 Quod petimus leto capias Thurzo inclyte uultu,
 Quo sumes tandem meliora magis.
 Paruula qui placide susceptat, magna meretur.
 Regia res, comi sumere parua manu.

Generoso domino Alexio Thurzoni Nicolaus Sa
 lomorse offert.
 Ecce domos, stirpisq; tuæ incunabula, quæ tot
 Heroas genuit, magnanimosq; uiros.
 Itala quam tellus, Germania fortis & arctos,
 Et panno obseruet, Francigenæq; colunt.
 Hæc tota illustris merito gestisq; refulget
 Europa, & lepidio carmine clara micat.
 Ita Valentinus scribendi pondera, onusq;
 Qui Meccenatem te colit, unus obit.
 12 carmine languet pro languet. 71 carmine etenim
 pro eteniui.

Impressum Graccouia per Hieronymum Victore
 anno Christi Millesimo quingentesimo decimo nono

Adhuc etiam de his libris
et de his quae sunt in
bibliotheca huiusmodi
et de his quae sunt in
bibliotheca huiusmodi
et de his quae sunt in
bibliotheca huiusmodi

Adhuc etiam de his libris
et de his quae sunt in
bibliotheca huiusmodi
et de his quae sunt in
bibliotheca huiusmodi
et de his quae sunt in
bibliotheca huiusmodi

Adhuc etiam de his libris
et de his quae sunt in
bibliotheca huiusmodi
et de his quae sunt in
bibliotheca huiusmodi
et de his quae sunt in
bibliotheca huiusmodi





